

續
文
獻
通
考

續文獻通考卷之二百四十一

皇明進士雲間王圻纂輯

仙釋考 道書名義 道家姓氏上

道書名義

崑崙

頭為三台君為崑崙指上丹田也又云臍為太乙君為崑崙指下丹田也

丹田

丹田有三所靈命之根眉間入三分為雙丹田却入三寸亦為丹田又云心下為中丹田臍下為下

丹田腦為上丹田

泥丸

腦也亦曰九原山即眉間却入三寸之丹田其神曰精根字曰泥丸

天庭

兩眉間為天庭又為玉瑤紫府又名玉華

按大洞經云眉間入三分為雙丹田入骨際三分為臺闕左青房右紫戶一神居之眉間却入一寸為明堂左明童君右明女君中明鏡神君眉間却入二寸為洞房左無英君右白元君中黃老君眉間却入三

寸為丹田亦名泥丸宮左有上元赤子君右有帝鄉君又却入四寸為流珠宮有流珠真君居之又却入五寸為玉帝宮于清真母居之又當明堂上一寸為天庭宮上清真女居之又洞房直上一寸為極真宮太極帝妃居之又丹田直上一寸為丹玄有中黃太乙君居之又流珠直上二寸為太皇宮太上君居之男為雄乙女為雌乙男女並可修也

蒼華

太元

並髮神名

華根

雲儀

玉華

並髮名

天臺

中嶽

神廬

長谷

皆異名

玉隴

靈堅

皆異名

銀海

明珠

並目名

英玄

目神字

明上

目神名

華蓋

眉名

空閒

嬌女

皆耳神名

幽田

耳神字

紫煙

目精氣目見紫青絳三色為三素雲

太淵

金醴

玉英

玉池

醴泉

皆口中液又脾中液亦名玉英

靈根

朱鳥

皆舌名

通命

舌神名

正倫

古神字

玄膺

舌下通津液之岸

嶠峯

齒神名

白石

齒名

羅千

齒神字

靈宅

天宅

皆面名

中池

口名

玉都

玉樹

皆身名

玉樓

肩名

靈臺

紫房

絳宮

赤城

皆心名

守靈

心神字

丹元

心神名

龍烟

肝神名

含明

肝神字

黃野

常在

皆脾神名

魂傳

靈源

皆脾神字

虛成

肺神字

皓華

混康

皆肺神名

威明

膽神字

龍曜

膽神名

太倉

胃名

玄冥

腎神名

育嬰

腎神字

幽關

兩腎也又曰左為玄右為北

玄鄉

腎名

長城

小腸名

隱龍

肝膽名

重樓

喉嚨名又名十二樓又名太上隱環

八素瓊

重樓中有八瓊素液

三焦

焦者熱也心肝肺上之系

內芝

肺名

神華

太陰玄光王女之母居脾臟之上黃雲華蓋之下此華蓋指肺

桃康

丹田下神名主人之精胎

黃庭

脾胃之下膀胱之上心之北而腎之南肝之西而肺之東上清下濁外應四色量谷二升路通九道

黃童

黃庭真人一名赤城童子

黃婆

人之胎息是也黃者中之色婆者母之稱萬物生于土土乃萬物母故名黃婆

四海

心為血海腎為氣海脾為胃海肺為水海

五湖

五臟之液為五湖

九江

小腸二丈四尺而上下九曲曰九江小腸下為元潭

三島

頂為上島心為中島腎為下島三島內根闕苑

六池

華池在黃庭之下理池在丹闕之前崑池上接王京天池正衝內院鳳池在心肺之間王池在唇齒

內之

神水

生千氣中

金波

降于天上

璣液玉泉

赤龍住處有之

白雪陽酥

凡胎換後方有

三池

膽為中池舌為華池小腸為王池

三房

明堂洞房丹田之房

三宮

三丹田中真宮也

九室

頭中九官室及人之九竅

五芽

五行之生氣青黃赤白黑也

三神

三丹田之神

六丁

丁丑丁卯丁巳丁未丁酉丁亥陰人壬女也

六甲

甲子甲寅甲辰甲午甲申甲戌陽神壬男也

三奇靈

一曰太清三君二曰三丹田神三曰符籙

八景形

五臟有八卦天神宿衛

六神

六甲六丁
六神等神

三清

太清上
玉清

三元

精炁神
日三元

玉晨君

太上
尊稱

九神

三丹田三元及三洞房合為九宮宮
有天皇九鬼變為九炁化為九神

紫霞宮

在上
清內

蕊珠宮

仙宮中有寥陽殿
蕊珠開紫樓房

三光

日月
星

五靈

水火金木
土五星也

桃核

太乙
君名

樽儀

奔日
之仙

結璘

奔月
之仙

五仙

天仙神仙地
仙鬼仙人仙

八仙

漢鍾離呂洞賓欽揚李風僧哥
藍采和玄壺子曹國舅韓湘子

三關

口為天關手為人關足為地關又臍下三寸為關
元亦曰三關又曰明堂洞房丹田俱在兩眉上為

三關

三老

元老玄老老君又曰上
元中元下元老君也

三魂

靈爽胎光幽精
也又名三靈

三真

鬼與赤帝黃老

九微

太真太素太和為三元三為九曰九微又曰三丹田三洞房合上三元為九宮宮中幽微曰九微

八術

九宮中有隱遁變化之術太上八炁奔翼是曰八術

三虫

上尸名彭琚使人好滋味嗜欲凝滯中尸名彭質使人貪寶好喜怒下尸名彭矯使人受奸衣脫淫女色故名三尸虫又曰上尸名彭姑中尸名白姑下尸名血姑嘗以庚申日言人過于帝利人速死

三炁

三丹田之炁

九道

九竅也

四緣

身心世事

二藥

內藥外藥

上藥三品

精氣神為上藥三品又為三元藥物

三家

身心意曰三家又為三元至要

五炁

精神意鬼意

五行

鉛銀汞砂土

鉛汞

鉛取于銀其體沉重而喜墜比腎水以潤下易漏汞出于砂其體輕飛而喜升比心火以炎上易散

聖胎

神凝氣結為丹基曰聖胎

脫胎

歸根復命丹成曰脫胎又身外有身曰脫胎

續文獻通考

卷之三百五

四

五百五十五

玄關

着處曰玄關

嬰兒

曰嬰兒

玄牝

舉心動念曰玄牝

鼎爐

身心為鼎爐

藥物

離為太陽因受坤體成離為少陰是為姤女為真鉛坎為太陰因受乾體成坎為少陽是為嬰兒為

真汞合
成藥物

三光聚頂

煉精化炁為初關身不動也煉神還虛為上關意不動也名

亦曰三關

七返

煉神還虛神屬火七乃火之成數過名七返

九還

以性攝情情屬金九數故曰九還

身中夫婦

性情是也黃婆為媒而相和合

真種子

天地未判之先一點靈明為真種子

三宮

神居乾宮氣居中宮精居坤宮名三宮

三要

歸根之寂復命之關虛無之谷

內外藥

煉精煉氣煉神俱有內外藥

玄龜朱雀

腎水為玄龜心火為朱雀

五氣朝元

身不動精固水朝元心不動氣固火朝元性寂則鬼藏木朝元情忘則鬼伏金朝元四大

安和則意
定土朝元

三成
法有小成
中成大成

木父金公

坤中之陰入乾成離木生離火故曰木父
乾中之陽入坤成坎金生坎水故曰金公

二八

陰陽和平如
二月八月

沐浴

洗心滌慮
曰沐浴

養火

絕念頭
為養火

了當

與太虛同
體曰了當

龍虎

腎水也水中有氣名曰真火心火也火中液名
曰真水以水生木腎氣足而肝氣生以絕腎之餘

陰而氣過肝時即為純陽藏真陰之水恍惚名真龍
以火射金心液盛而肺夜主以絕心之餘陽而液到
肺時即為純陰藏真陽之氣杳冥名真虎氣中取水
水中取氣曰得黍大歸于黃庭是為黃芽故曰龍虎
交而黃芽就了成丹藥
氣傷子母液行六婦

門九品

下三品邪道中三品
外道三品傍門

漸法三乘

下乘安樂法中乘養
命法上乘延生法

抽添法

冬至後陽升于地地抽其陰人陰抽而為厥陰
以陽添而為陽明厥陰抽而為少陰陽明添而

為太陽夏至後陰降于天天抽其陽太陽抽而為陽

明少陰深而為厥陰陽明抽而為少陽厥陰泰而為

太陰日月朝

河車

人生陽少陰多無非是水故有辰于河車之義

三劍

一斬煩惱二斬色慾三斬貧真

八瓊丹

丹砂雄黃空青礞黃雲母戎鹽隱石雄黃

十二科

飛晶王波還丹王液煉形金液還丹金液煉形

白觀交換

九

佳衣食逼迫尊長激調名利榮特恩愛牽纏災禍

十魔

六賊魔富麗貴麗六情魔愚愛魔患難魔聖賢魔

在二妄寐

六義

金詰玉昔真元

治五臟法

治肺用咽為瀉吸為補治心用呵為瀉

呼為瀉吸為補治肝用呿為瀉吸為補治脾用吁

為補治膽用噓為瀉吸為補治腎用吹為瀉吸為補治

四大

天大地大
大王亦大

道家姓氏上

上古

通玄天師又名萬法天師初天皇時出以無極大道下教

人間

有古大先生在地皇時出化人以無上正真之道

盤古先生在人皇時出化人以太平無為之道

尊華子伏羲時出授天皇內文一號宛華稱田野子作元

陽經

大成子伏羲時出降于濟陰授地皇內文教人以好生之

道

赤松子神農時雨師也服水玉以教神農能入火自燒常

至崑崙山上止西王母石室中隨風雨上下炎帝少女

追之亦得仙俱去至高辛時復為雨師

後黃初平亦號赤松子

甯封子黃帝時人世傳為黃帝陶正有人為掌火出五色
煙爇則以教封子封子積火自燒而隨煙氣上下視其
灰燼有骨焉時人共葬于甯北山中故曰甯封子

廣成子黃帝時人隱居平涼崆峒山黃帝嘗就問道告曰
至道之精窈窈冥冥至道之極昏昏默默無視無聽抱
神以靜形將自正必靜必清毋勞毋形毋搖爾精毋俾
爾思慮營營乃可長生慎內閑外多智為敗我守其一
而處其和故千二百年而未嘗衰老授帝以陰陽經

馬師自黃帝時馬醫也知馬形氣生死之診治之輒愈後
有龍下向之垂耳張口師皇鍼其唇下口中以甘草湯
飲之而龍疾愈後數有疾龍求治一旦龍負師皇而去
赤將子與黃帝時人不食五穀而敗百草花至堯時為木
工能隨風雨上下時時于市賣穀亦號織父

隨應子少皞時出降于崆峒山說莊敬經又號太極先生
赤精子顓頊時出說微言經

綠圖子帝嚳時出降于江湄說黃庭經

唐虞

務成子唐堯時出降于姑射山說玄德經

偃佺槐山采藥父也好食松實形體生毛長數寸兩目更

方龍飛行逐走馬以松子遺堯堯不服服時人受服者
皆至二三百歲

方回光時隱人堯聘以為閭士煉食雲母粉亦與民人之
有病者隱于五柞山中夏啓末為宮士為人切閉室中
求道回化而去更以丸泥掩封其戶時人言得回一丸
泥塗戶終不可開

尹壽子虞舜時出降于河陽說道德經

夏

真行子禹時出降于商山授禹九疇書及靈寶五符治水

真文

錫則子禹時出降于潛山作長生經一號錫壽子

務光夏時人耳長七寸好琴服蒲韭根湯將伐桀謀于光
不對既克桀以天下讓于光光曰廢上非義也殺人非
仁也人犯其難我享其利非廉也吾聞非義不受其祿
無道之世不踐其位遂負石自沉于蓼水已而自匿後
四百餘歲至武丁時復見武丁欲以為相不從逼以非
禮遂投浮梁山後遊尚父山

商

古邑先生成湯時出

仇生不知何所人殷湯時為木工三十餘年而更壯皆知
為奇人共師奉之常食松脂在鄉北山上自作石室終
焉

彭祖殷大夫姓錢名鏗沛嶺項之孫陸終氏之中子歷夏
至殷末八百餘歲常食桂芝善道引行氣歷陽有彭祖
仙室前世禱請風雨莫不輒應常有兩虎在祠左右祀
訖地即有虎跡云後昇仙而去有子二人長武次夷故
後人名其所居山曰武夷山

商容殷時出

周

萬輔先生字君孝周成王時人跨白驢入三嶂山結草為
廬舍煉丹得道故後世名曰廬山

疏周封史也能行氣煉形煮石隨服之名石鐘乳至數
百年往來入太室山中有卧石床枕焉

嘯父冀州人少在西周市上補屨數十年人不知也後奇其不老好事者求其術不得惟梁母得其作火法後與梁母別列數十火而昇天西邑多奉祀之

葛由羌人也周成王時好刻木羊賣之一日騎羊入西蜀蜀中王侯貴人追之上綏山綏山在峨眉山西南高無極也隨之者不復還皆得仙道里諺曰得綏山一桃雖不得仙亦足以豪山下立祠數十處

容成公見于周穆王時自稱黃帝師善補導之事取精于玄牝其要谷神不死守生養氣者也髮白更黑齒落更生與老子同亦云老子師

杜宇古蜀王蜀嘗大水宇與居人避水于長平山後驚靈

開峽泊水人得陸處宇禪位與之自居西山得道昇天
一云化為牡鵲

李八百蜀人初居錫陽五龍岡歷夏商周年八百歲又動
則行八百里人因號為李八百或居山林或居市廛又
修煉于華陰山石室丹成還蜀周穆王時居金堂山蜀
人歷代見之又有女弟亦得仙封號妙應真人今成都
金堂縣有仙人井云妙應真人煉丹之所一云李八百
之妹號明香真人初修道于華林元秀峯後于峯南五
龍岡設壇道成冲舉唐天寶中即其地為元陽觀又晉
時妖人李脫自稱八百歲號李八百煉丹于瑞州府有
迷仙洞此假托者

王子喬周靈王太子晉也好吹簫作鳳凰鳴遊伊洛之間
道士浮丘公接以上嵩高山三十餘年後求之于山上
見桓良曰告我家七月七日待我于緱氏山巔至時果
乘白鶴駐山頭望之不得到舉手謝時人數日而去後
立祠于緱氏山下及嵩高首焉

尹軌號太和真人 杜冲號太極真人 彭宗號太清真
人三人皆西周時得道成仙

浮丘伯姓李居嵩山修道白日飛昇嘗作原道歌曰龍伏
虎亦藏龍藏先伏虎但畢河車功不用提防拒諸子學
飛仙狂迷不得住左右得君臣四物相念護乾坤法象
成自有真人顧又有相鶴經王子喬傳

宋倫洛陽人周厲王甲辰歲入道疑心寢形抱一冲和後感老聃授之上道即能飄然飛步淩波涉險或化麋鹿或為鳩鴿弋獵者自不能近或為垂顙之人與病者寢處自然疾瘥宣王丁巳歲上昇今為太清真人

馮長驪山人周宣王時為柱下史觀天文之變乃退隱攝生遇鄧真人授以靈書功行垂成復遇彭真人授以太上隱書遂得道用術濟人平王三十年昇仙而去今為西嶽真人

幼伯子周蘇氏客冬常着單衣盛夏着襦袷形貌歲異老而更壯世世來誠祐蘇氏子孫得其助力

春秋

馬丹晉狄人文侯時為大夫至獻公時為幕府正獻公滅狄殺恭太子丹乃去至趙宣子時乘安車入晉都侯諸大夫靈公欲仕之迫不以禮有迅風發丹入迴風而去北方人尊而祠之

蕭史周宣王時父蕭欽好道老君降其家而生初無名宣王以史籍散失召為史官故人以史目之善吹簫能致孔雀白鶴于庭秦穆公有女弄玉好之公遂令孟明為媒蹇叔為賓以女妻焉日教弄玉作鳳鳴居數年吹似鳳聲鳳鳥來止其屋公為作鳳臺夫妻居其上一旦隨鳳鳥飛去故秦人作鳳女祠于雍宮時聞有簫聲

冠先宋人以釣魚為業居睢水旁百餘年得魚或放或賣

續文獻通考

卷之三百四

十一

四庫全書

或自食常着冠帶好種荔枝食其脆實宋景公問其道
不告即殺之後數十年踞宋城門鼓琴數十日乃去宋
人家家祠焉

涓子齊人好餌术食其精至三百年乃見于齊著天人經
四十八篇後釣于荷澤得鯉魚腹中有符受伯陽九仙
法隱于宕山能致風雨淮南王安少得其文不能解中
琴心三篇最有條理

琴高趙人以鼓琴為宋康王舍人行涓彭之術浮游冀州
涿郡之間二百餘年後辭入涿水中取龍子與諸弟子
期曰皆潔齋待水傍設祠果乘赤鯉來出坐祠中留月
餘復入水去

陸通楚狂接與也好養生食糲廬木實及蕪菁子遊諸名山後住蜀峨眉山上市世見之歷數百年去

赤須子鄴人為秦穆公時主魚吏數前道鄴界水旱災害十不失一臣下歸向迎而師之問所長好食松實天門冬石脂齒落更生髮墮再出去吳山下十餘年莫知所之

任光上蔡人善餌丹賣于都市里間積八十九年如十數歲面顏後長老識之知是故時任光也趙簡子聘與俱歸常在栢梯山上百年不知所在

老子姓李名耳字伯陽楚苦縣人懷玄妙王女腹八十一
年而自母右脅生生時皓首故曰老子為周柱下史好

養精氣骨接而不施轉為守藏史積二百餘年時稱為
隱君子號曰老聃仲尼至周見老子知其聖人乃師之
後欲開化西域乃乘青牛車去入秦過西關關令尹強
使著道德上下經二卷 葛稚川曰老子無世不出數
易姓名出于黃帝時號廣成子周文王時號鬻鬻子為
守藏史武王時號育成子為柱下史康王時號郭叔子
漢初號黃石公漢文時號河上公

關令尹喜字公文周大夫善內學常服日精月華隱德修
行時人莫知老子西遊喜先見紫氣來知有真人當過
物色邀之果得老子老子亦知其奇為著書授之曰千
日之外尋我于蜀中青羊之肆至期果見于大官李氏

家老子集衆仙丹號尹爲又始先生位爲無上真人與俱遊流沙莫知所終尹喜亦自著書九篇號關尹子

平常生居于穀城鄉數死復生時人不信後大水出一鄉被害平在缺門山頭大呼曰平常生在此且云兩五日必止止則上山求祠之但見平衣帔革帶後數十年復爲華陰門卒

江妃二女不知何所人出遊于江漢之湄逢鄭交甫請其佩二女解佩與之交甫悅而懷之當心趨數十步探懷中失佩顧二女亦不見

戰國

鬼谷子晉平公時人姓王名詡嘗入雲氣山採藥得道類

如少童戰國時隱居陽城青溪之鬼谷因以自號長於
養性治身蘇秦張儀皆學道受裨闡之術十三章三年
辭去曰二子輕喬松之永壽貴一旦之浮榮惜哉晚乃
益出七術其言有曰人動我靜人言我聽知性則寡累
知命則不憂至盛神養志諸論所謂中稽道德之祖散
入神明之蹟者殆亦幾乎鬼谷處人間數百歲後不知
所終

茅濛咸陽人博學深鑒知周室將衰不求仕進嘆曰人生
若流電於是師鬼谷先生受長生術遂入華山修煉秦
始皇三十年九月庚子白日昇天先是邑人謠曰神仙
得者茅初成駕龍上昇入太清時下玄洲戲赤城繼業

而往往我盈帝若學之臘嘉平始皇聞之因改臘為嘉
平玄孫盈固裏皆得仙居茅山號三茅

桂父象林人色黑而時白時黃時赤南海人見而尊視之
常服桂及葵以龜腦和之其人累世見爲

瑕丘仲甯人賣藥于甯百餘年人以為毒後地動谷壞仲
及里中數十家臨水屋皆敗仲死人取仲尸棄水中收
其藥賣之仲披裘而詣取藥藥仲者叩頭求哀仲曰非
恨汝使人知我耳吾去矣後爲夫餘胡王驛使復來至
甯北方人號謫仙

酒客梁市上酒家傭不著姓名作酒常美售之日得萬錢
有過而逐之主人酒輒酢敗窮貧梁市中賣人多以女

妻而迎之或去或來後百餘歲來為梁丞使民益種芋菜曰三年當大饑卒如其言梁民得不死五年解印綬去莫知其終

祝鵝翁洛人居尸鄉北山下養鵝百餘年鵝有千餘頭皆立名字暮棲樹上晝放散之欲引呼名即依呼而至賣鵝及子得千餘萬輒置錢去之吳作鰲魚池後并吳山白鶴孔雀常至其傍

姚坦號玄洲真人 周亮號八素真人 尹登號太極真人 王琮號黃庭真人 李真號西岳仙鄉以上五人皆周秦間得道成仙

馬成子扶風人周秦間慨然有修道志棄家入伯陽川遇

一童子授以胎元煉氣法乃入蜀鵲鳴山隱居洞中忽
一人杖策至曰此山鵲鳴子當登仙矣乃授以神丹曰
氣為內丹藥為外丹子受仙童內丹今復受吾外丹不
當為高真美言訖乘雲去成子服之遂白日昇天

秦

安期生瑯琊阜鄉人賣藥廣州海邊人言千歲翁秦始皇
請見與語三日三夜賜金璧度數千萬出置阜鄉亭而
去以赤玉舄一兩為報曰後數年求我于蓬萊山始皇
遣徐市盧生等入海求之未至蓬萊輒逢風波而返乃
立祠阜鄉亭海邊十數處祀之生嘗食李少君棗大如
瓜其蒲澗所產萐莆一寸九節生嘗採而服之其隱居

有十蒲澗其一也

孔丘明秦時人與駱法通等十人避亂來王筍山修煉道成騰空而去

毛女在華陰山中山客獵師世世見之自言始皇宮人秦亡入山食松葉遂不饑寒身輕如飛

曾生女長樂人初餌胡麻絕穀十餘年少壯色如桃花一日別親故入華山後五十年人見其于廟前乘白鹿從王母去

盧仙始皇遣入海求仙藥不獲盧與侯生謀隱入邵陵雲山今山有侯仙迹盧仙影秦人古道陳丹井飛昇臺掃壇所皆其遺跡

丁令威遼東人嘗學道于靈墟山離家千歲化為白鶴而
歸集于華表柱語曰有鳥有鳥丁令威去家千年今始
歸城郭如故人民非何不學仙塚壘其歲月無攷

山在大
平府

黃石公下邳人遭秦亂自避姓名人莫知者初張良易姓
為長步游沂水圯上因取履謂孺子可教乃與期會出
一編授之曰讀是則為王者師後十三年孺子見濟北
穀城山下黃石即我矣遂去不見良以其書佐漢取天
下後十三年從高祖過濟北穀城山下得黃石良寶而
祠之

前漢

朱仲會稽人常于會稽市上販珠漢高后下書求三寸珠仲讀購書笑曰真值汝矣持三寸珠詣闕上稱珠好過度即賜五百金魯元公主復私以七白金從仲求珠仲獻四寸珠置于闕即去下書會稽徵聘不知所在景帝時復來獻三寸珠數十枚輒去不知所在

河上公陝州人文帝時結廬于河濱時帝好老子書未解遣使問之公曰道尊德貴非可遙問于是遂枉駕問之授素書老子章句二卷曰熟研此即所疑自解今有廟在陝州北

修羊公魏人在華陰山上石室中有懸石榻卧其上石盡穿陷畧不食時取黃精食之後以道于景帝帝重之使

止王邸中數年遺不可得有詔問脩羊公能何術蔡語
未訖牀上化為石羊題其背曰脩羊公謝天子後置石
羊于露臺上羊後復去不知所在

劉惔潁川人景帝時仕為公車司馬事司馬李圭得服日
月精華之道晚歸鄉里托形杖屨而去時又有金碧劉
真人未詳其實

稷丘君泰山下道士也武帝時以道術受賞賜髮白再黑
齒落更生後罷去上東巡泰山稷丘君乃冠章甫衣黃
衣擁琴來迎拜曰陛下勿上也上必傷足指及數里左
足指果折上諱之祠而還後為稷丘君立祠

崔文子泰山人世好黃老居潛山下後作黃散赤丸賣都

市自言三百歲時有疫氣民死者萬計長史之文所謂
救文擁朱幡繫黃散以徇民間飲散者活萬計後去在
蜀黃散世寶為神

東方朔字曼倩平原厭次人父在吳中為書師武帝時土
書拜為郎以詼諧得幸時見規益至昭帝時人或謂聖
人或謂凡人莫知其旨宣帝初集郎以避世置幘官舍
風飄之而去後見于會稽黃藥智者疑是歲星精也

鉤弋夫人齊人姓趙少時好清淨病卧六年右手拳屈飲
食少望氣者云東北有貴人氣推得之姿色甚佳武帝
披其手得一玉鉤而手尋展遂幸而生昭帝後武帝害
之殯尸不冷而香一月間昭帝即位更葬之棺內但有

絲屐故名其宮曰鉤翼後避諱改弋

犢子鄴人少在黑山採松子茯苓餌之且數百年時壯時
老時好時醜人乃知其仙人也酒家陽都女眉生而連
耳細而長衆以為異犢子牽黃犢來過都女悅之遂留
相奉侍都女隨犢子出取桃李一宿而返皆連累耳美
邑中隨伺逐之出門共牽犢走人不能及旦復在市中
後數十年去蟠山下冬亦賣桃李云

騎龍鳴渾亭人年二十于池中得龍子如守宮者十餘結
草廬養食之龍稍稍長大而去後五十餘年水壞廬也
性一旦騎龍來渾亭下語云我馮伯昌係也此間五百
里地有灾信者皆去不信者以為妖至八月果水至死

者萬計

主柱不知何所人與道士共上宕山言此有丹砂可得數萬斤宕山長吏知而封之砂流出飛如火乃聽柱取焉邑令章君明餌砂二年得神砂飛雪服之五年能飛行遂與柱俱去

園客濟陰人貌好性良邑人多欲以女妻之終不取常種五色香草積數十年食其實一旦有五色蛾止香草末客收而薦以布生桑蠶焉至蠶時有奸女夜至自稱客妻道蠶狀客與俱收蠶得百二十頭繭皆如甕縹一繭六十日始盡訖則俱去莫知所在故濟陰人世祀桑蠶設園客祠

李少君臨淄人見武帝有故銅器曰此齊桓公故器嘗陳於寢庭帝驗其刻果然因知少君已數百歲矣

鹿皮公淄川人少為木工舉手能成器械岑山頂上有神泉人不能至木工作轉輪懸閣數十日梯道四間成上其巔作祠舍留止其旁食芝草飲神泉且七十年淄水未來疾呼山下宗族室家六十餘人今上山甫半水漂一卻沒者萬計後着鹿皮衣下山復上閣後百餘年賣藥于市

昌客常山道人自稱殷王子食蓬萊根年二百餘而顏色如二十許人常致紫草賣染家以錢遺孤寡歷世皆然白石生嘗煮白石為糧人間何不霞舉笑曰天上多有至

尊相奉事更苦于人間時號為隱遯仙人

孟岐嘗言周公負成王朝周廟岐時侍側周公以王笏遺岐岐嘗寶執以衣袂拂拭今笏銳欲折矣

慈父南郡鄘人居山間有仙人從買底教之揀瓜子與桂附並實共藏而對分食之二十餘年能飛走升山入水後百餘年居絕山頂時呼谿下父老與道平生時事云山圖隴西人少好乘馬折足道士教服地黃當歸菴活獨活苦參散一歲而病愈身輕不嗜食追道士問自言五獄使採藥名山能隨吾使汝不死圖隴六十餘年一旦歸持母服復去莫知所之

王真上黨人武帝時為郡吏年百歲面有光澤能履冰赴

火出入不由戶

衛叔卿不知何所人武帝時乘雲車駕白鹿來見帝將臣之叔卿不言而去帝悔求得其子度世今追其父度世登華嶽見父與數人博石上叱度世今還居桂下石西得五色雲母度世服之仙去

八公不知何所人亦不詳姓字淮南王劉安好神仙有八

公鬚眉皓白詣門求見門人曰吾王好長生先生無駐

衰之術未敢聞八公咸變為童子白曰昇天壽州八公山

黃安每坐一神龜廣三尺出則負龜而趨嘗言伏羲始作

網罟獲此龜以授我此龜畏日月光三千年一出頭我

坐此以來龜已五出頭矣

淮南王既成仙其遺藥在器鷄犬舐之亦飛去南陽人陳
永伯得其七星散方試合服之二十八日忽然不知所
在兄子增族亦服父因繫其足閉于密室晝夜守之亦
不知所在本方曰服三十日而失其所在後人不復敢
服之者臨去時必有仙官來迎但人不見耳

谷春機陽人成帝時為郎病死而屍不冷家發喪行服猶
不敢下釘三年更着冠幘坐縣門上邑中人大驚家人
迎之不肯歸啓棺有衣無屍留門上三宿去長安止橫
門上人知而追之復去之太白山立祠山上時至祠中
止宿

子英舒鄉人入水捕魚得赤鯉持歸養池中食以穀米一

年長丈餘遂生角翅子英怪異拜謝魚言我來迎汝天
即大雨子英上魚背騰空而去歲時來歸故舍魚復迎
去如是者七十餘年故吳中門戶皆作神魚因立子英
祠云

陰生長安中渭橋下乞兒也常乞于市市人或以糞灑之
衣不污如故長吏知之收繫桎梏而仍在市乞又械欲
殺之乃去灑者家室自壞殺十餘人長安謠曰見乞兒
與美酒免破屋咎

服間不知何所人常止于莒性來海邊諸祠中有三仙人
於祠中博賭瓜顧間令擔黃白瓜數十頭少瞑目而覺
則在方丈山間取山上珍寶珠玉往來莒市賣之一旦

髡頭赭衣貌更老人問之言坐取山中物云後數年貌更壯好鬚髮如往日矣

文實太丘鄉人賣猿爲業數取姬棄之後故姬年九十餘見賓年更壯拜而涕泣賓約與會鄉亭西杜姬夜從見孫行十餘里坐杜中待之須臾賓到大驚汝好道耶前不宜去汝也令服菊花地膚桑上寄生松子以益氣姬遂更壯復壽百餘年

東華帝君姓王不知其世代名號或云名玄甫得老子之道後隱崑崙山復居五臺紫府洞天自號少陽帝君子終南疑陽洞以道授鍾離權

鍾離權咸陽人號和谷子一號正陽子又號雲房先生生

而奇異美鬚俊目身長八尺餘歷仕漢及魏晉首遇上
仙王玄甫再遇華陽真人授秘訣遂棄世事於縣東四
十里正陽洞修煉登仙今號正陽帝君

陳安世京兆人稟性慈仁為權叔本家傭賃叔本好道有
二仙人托為書生從叔本遊叔本意怠二仙曰幾成而
敗見安世篤實曰汝好仙乎曰好二人與約早會大樹
下三期皆早至乃以藥二丸與服遂不食但飲水叔本
知其得仙反師事之後安世白日昇天

劉根長安人成帝時入嵩山學道遇神人授以秘訣遂得
仙用術濟人潁川太守史祈以為妖遣吏捕根欲戮之
至府祈曰能召鬼即至不爾當戮根曰甚易借筆書符

忽見兵甲召二囚至廳前祈禱視乃父母也即驚愕流涕鬼責其子曰汝何得罪神仙累親如此太守伏罪求赦方解根遂不見

商丘子胥高邑人好牧豕吹竽年七十不娶而不老邑人從之學道問其要言但食木菖蒲根飲水而已如此傳世三百餘年

子主楚語而細音不知何所人詣漢江都王自言甯先生顧我作客三百年不得直以為狂人也問甯先生所在云在龍眉山上王遣吏將上龍眉山巔見甯先生毛身廣耳披髮鼓琴主見之叩頭吏致王命先生曰此主吾比舍九世孫且念汝家常有暴死女子三人勿預吾事

語竟大風發吏走下山北歸宮中相殺三人王立遣牲
祀焉

陶安公六安鑄冶人也數行火火一旦散上行紫色衝天
安公伏冶下求哀須臾朱雀至冶上曰安公安公冶與
天通七月七日迎汝赤龍至期赤龍到大雨而安公騎
之東南上一城邑衆共辭決云

赤斧巴戎人爲碧鷄祠主簿能作水瀕鍊丹與消石服之
三十年顏如童子毛髮皆赤後數十年取華山禹餘糧
餌賣于蒼梧湘江間累世見跡手掌中有赤斧

呼子先漢中關下卜師也壽百餘歲臨去呼酒家老嫗曰
急裝當與共應中陵王夜有仙八持二茅狗來子先與

姬各乘之乃龍也上華陰山而止

負局先生語似燕代間人嘗負磨鏡局徇吳市磨畢輒問主人有疾苦者否輒出紫丸藥與之病莫不愈嘗大疫活者萬計不取一錢後住吳山絕崖頭懸藥下與人欲去時語下人曰吾還蓬萊山爲汝曹下神水崖頭一旦有水白色流從石間來服之多愈疾立祠十餘處

朱璜廣陵人少病毒瘕就睢山道士阮丘丘曰卿除腹中三尸有真人之業可度世也璜曰病愈當爲君作客三十年不敢自還丘與藥令日服九九百日腹下如肝脾者數斗養數十日肥健心意日更開朗今讀老君黃庭經日三過能通其意遂與入浮陽山玉女祠且八十年

復見故處白髮盡黑鬚更長三尺餘

阮丘姓黃睢山上道士衣裘披髮耳長七寸口中無齒日行四百里睢山上種葱薤百餘年人不知也朱瓚醫驗始知其神人

女在陳市上沽酒婦也作酒常美遇仙人飲酒以素書為質丸開視乃養性交接術遂私寫其文納諸少年飲美酒依法行之三十年顏色更如二十時仙人復來過笑謂丸曰盜道無私有翅不飛遂棄家追仙人去莫知所之

陵陽子明銍鄉人也一云姓竇丹陽人嘗釣魚于旋溪得白龍子明懼拜而放之復得白魚腹中有書教子明服

食之法子明遂上黃山采五石脂沸水而服之春食朝霞夏食沆瀣三年龍來迎去止陵陽山上

一絕志曰子明二女化青

息隨去旌德縣有鳧山即其地

邗子蜀人也好放犬子時有犬走入山穴邗子深追之見有臺殿宮室侍衛甚嚴故婦主洗魚與邗子符一函并藥使還與成都令橋君橋君發函有魚子著池中養之一年皆為龍形後送符還山大色更赤有長翰常隨邗子往來百餘年遂留止山上時下護其宗族蜀人立祠穴口常有鼓吹傳呼聲

木羽鉅鹿南和平鄉人母貧賤主助產嘗探產婦兒生便開目視母大笑其母大怖夜夢見大冠素幘者守兒言

此司命君也當報汝恩使汝子木羽得仙母陰識之後
生兒字為木羽所探兒生年十五夜有車馬來迎過母
家呼木羽為御遂俱去後二十餘年鴉雀每旦對二三
魚著母戶上母匿不道而賣其魚三十年皆然母至百
年乃終

玄俗河間人餌巴豆賣藥都市七九一錢治百病河間王
病瘕買藥服之下蛇十餘頭問藥意俗曰王瘕乃上世
餘殃下墮非王所自招也王嘗放乳鹿乃麟母仁心感
天故得遇俗耳王家老舍人自言父世見俗俗形無影
王乃呼俗日中看實無影欲以女妻之俗夜亡去後人
見于常山下

三茅君茅濛玄孫長曰盈恬心玄漠遇王君得道漢初平中入句曲山為太元真君弟固威武太守袁上郡太守聞兄盈得道皆棄官從學俱成地仙固為定錄真君袁為保命真君

梅福壽春人仕為南昌尉成帝委任王鳳福上書極諫不用自嘆曰生為我酷身為我桎形為我辱妻為我毒遂棄妻子而去遊于會稽變姓名為吳市門卒後不知所終人稱為梅仙宋元豐間封壽春真人

南陽公主漢元帝女下嬪王咸綏和間王莽秉政謂咸曰國危世亂但當退而修身咸不能從公主遂結廬華山歲餘精思丹道乘雲氣冉冉而去咸追之升層嶺漠然

無迹忽于嶺上見遺朱履一隻取之已化為石後人名其峯曰公主峯

唐公昉固始人王莽居攝二年公昉為郡吏忽遇真人授以藥拔宅仙去或云李八百居山中公昉師事之公昉謁八百以杖指崖間有泉湧出後人名曰寒泉山

莊君平蜀人夷堅志曰福有道人嘗見老叟同室歲餘告之曰吾乃漢莊君平也取一書授之天明叟去不歸視其書皆修身度世之說

莊君平即嚴君平漢人避諱故易莊為嚴君平宋時尚見之

後漢

史通平光武時自會稽來蜀詣我眉山出謁天皇真人授以三一之法及五符訣遂居青神縣地置茅廬煉火丹

龍虎成形餌之又廣行陰德功滿白日昇天

王喬河東人為葉令每朔望自縣詣朝明帝恠之密令太史伺望言其臨至輒有雙鳬從西南來乃令舉羅得雙鳬詔尚方驗視則所賜尚書官屬履也後天降王棺喬沐浴寢其中葬城東南土自成墳百姓廟祀之

王喬有三一周

靈王太子晉名王喬一蜀仙王喬食肉芝食盡兄挑實食之身輕而成仙者也一葉令王喬云

劉晨阮肇漢永平中二人入天台山採藥行數里至溪許遇二女容貌妙絕迎歸食以胡麻飯山羊脯日暮行夫婦之禮住半年天氣和適常如二三月百鳥哀鳴求歸甚切女曰罪根未滅使君等如此喚諸仙女共作歌吹送劉阮出洞口還鄉驗得七代子孫傳聞上祖入山不

出二公欲還女家則無路至太康八年失二公所在

張道陵字輔漢豐邑人留侯八世孫學長生之術遍遊名山東抵興安雲錦溪升高而望曰是有異境遂泝流之雲錦洞有仙巖焉煉丹其中丹成餌之時年六十容貌若少後入蜀居鶴鳴山老君授以秘錄遂領弟子趙升王長來雲臺巖復煉火丹服之永壽二年自以功成道著乃于半巖躍入石壁中自崖顛而出因成二洞崖半曰峻仙洞崖上曰平仙洞是年遂將諸品秘錄斬蛇二劍玉冊玉印授其長子衡與夫人雍氏登雲臺峯白日昇天時年一百二十三歲其四世孫曰盛復居龍虎山

歷代重之子孫世襲真人

王長號左玄真人

遂升就張道陵學道陵已七試之矣最後與諸弟子登雲
臺上絕巖上有大桃下臨不測陵曰得此桃者告之以
道升從上自擲正投桃樹取桃滿懷而石壁峻峭不得
上陵乃引手接之忽躍而上遂告以道成仙今號右玄
真人

蘇耽郴人事母以孝聞嘗遇異人授神仙術母思鮮即市
鮮以獻問所從來曰便縣母始異之一日忽洒掃庭除
曰仙道已成上帝來召母曰汝仙去吾誰養乃留一櫃
曰所需即有又云明年大疫取庭前井水楸葉救之耽
仙去已而果疫母曰活百餘人後有白鶴止郡城東北
樓人或彈之鶴以爪攫樓板似漆書云城郭是人民非

三百甲子一來歸吾是蘇公彈吾何爲宋元符中賜號
中素真人

屈處靜祁陽人楚白公後幼而悟道絕迹人表凡十二年

一旦駕鶴而去

永州有白鶴山

周義山字季道汝陰人丞相勃之後年十六常以平旦日出時東向嚀咽服氣百數是歲陳留饑荒碩散家財以賑之有黃泰者元鳳中寓陳留著敗衣賣芒屨義山見之曰聞仙經云仙人目方面光密奇之泰一日謂義山曰君好道陰德流行是以相詣我中岳仙人蘇子玄也義山再拜膝行而前請乞奇要遂授以長生之道後義山為紫陽真人白日昇天

董仲子乘人求之子其母乃天之織女故仲生而靈異數
篆符鎮邪恠嘗遊京山潼泉以地多毒蛇書符鎮之其
害遂息今有篆石在安陸州京山之陰

真武淨樂國王太子生而神靈察微知遠長而雄猛惟務
修行志除邪魔遇紫虛元君授以道秘遂越東海遊覽
又遇天神授以寶劍入武當山脩煉居四十二年功成
白日飛昇奉上帝命往鎮北方披髮跣足躡離坎真精
建皂纛玄旗統攝玄武之位神威赫然歷代顯著本號
玄武宋避諱改真武武當山北有磨針澗者云真武修
煉久之未契玄元亟欲出山忽遇老嫗操鐵杵磨石山
問何為嫗曰為針耳曰不亦難乎嫗曰功到自成真武

大悟即返巖精修其地有榔梅相傳真武折梅枝寄榔
樹之上誓曰吾若道成花開果結後竟如言今樹尚存
號榔梅

矯慎字仲彥扶風茂陵人少慕松喬導引術隱遁山谷與
馬融蘇董鄉里並時而二人絕不及也汝南吳蒼貽書
勸之仕不荅年七十餘竟不娶後忽歸家自言死日及
期果卒後人有見慎于燉煌者人稱爲神仙

王方平東海人一名遠舉孝廉歷官中散大夫後棄官入
山修道桓帝時連徵不出俾郡國通載至京閉口不語
因題四百餘字於宮門皆言方來事削去復見後還鄉
居太守陳耽家四十餘年舉家無恙一日忽語耽曰吾

運期將去耽知其化具棺殮殮之忽失其尸衣冠不動
若蟬蛻者

麻姑王方平妹祖帝時修道子牟州東南姑余山方平過
吳門蔡經家遣人與麻姑相聞有頃而至經舉家見之
是好女子指似鳥爪頂中有髻衣有文章而非錦繡蔡
經見其指爪心中念背癢時可以此搔方平即知輟經
曰麻姑神人何敢如是坐定各進行厨香氣達于內外
擗麟脯行酒麻姑曰接待以來東海三爲桑田蓬萊水
又淺矣方平笑曰聖人皆言海中行復揚塵經母要見
麻姑以米擲地皆成真珠宴畢昇天而去

麻姑山在寧國府東麻姑嘗修道于此丹灶尚存又嘗居建昌山故亦號麻姑開元中立廟壇側累封虛寂冲應真人夷堅志曰劉氏經

堂前有大槐忽發一女官自稱麻姑乞此樹修麻劉漫
許之既寤異其事後數日風雨大作失槐所在即詣麻
姑廟視槐已卧其前重和中賜額曰顯異又按此所
姑乃兩人也

馬明生臨淄人姓和字君實少為賊傷殆死忽遇一女子
云大真夫人也與藥一九服訖即愈乃自號馬明生隨
夫人入岱山石室試以鬼恠狼虎不懼挑以美女不動
夫人曰可教有安期生至夫人以明生付之以詩留別
而去後得安期生丹經神方入華陰山修煉漢靈帝時
太傅胡廣試以國事皆驗遂餌金丹白日昇舉

陰長生漢和帝后之曾祖不好榮位潛居隱身專務道術
聞馬明生者得度世法乃求見于太和山中執役二十
年不懈乃偕入青城山以太清金液神丹授之丹成著

書九篇白日昇舉

魏伯陽東漢上虞人好道不仕入山煉丹丹成上昇作大
同契五行相類等書始伯陽丹成與犬犬死伯陽服之
亦死弟子服之亦死伯陽即起再以丹納犬及弟子口
中皆起仙去有二弟子不服者始悔其參同契者謂修
丹與造化同途故托易象而論今行于世

鮑靚陳留人仕漢為南海太守嘗遇陰長生授道訣一日
行部入海遇風饑甚取白石煮食之又與葛洪善以女
妻洪靚還丹陽卒葬石子岡後蘇峻之亂盜發其棺無
屍惟大刀一柄盜欲取之聞左右兵馬聲刀亦有聲如
雷乃止東海徐寧嘗師之夜聞琴聲甚妙問焉曰稽叔

夜寧曰稽畢命東市何得在此曰叔夜雖刑終而實尸解

縹巴蜀人漢帝召為尚書正朝大會巴獨後到頗有醉色帝賜酒不飲望東南嘆之有司奏巴大不敬詔問巴巴曰臣鄉里以臣能治鬼護病為立廟今旦耆老皆入廟致享是以來遲臣本縣成都失火臣噉酒為雨以滅火災詔原罪即遣使往驗其言荅云正旦失火食時有大雨從西北來乃息雨皆酒氣後一旦大風天霧暗失巴所在尋問之具云還成都與親戚別去而昇天矣

上成公東漢密縣人出行父不返後歸語其家曰我已得仙因辭家去家人見其舉步稍高良久乃沒陳寔韓韶

同見

李根許昌人有趙買者聞其祖父言已見根比買時年八十四而年少自若有得根素書讀之其自記云以漢元封中學道於其申計之已七百餘歲矣

蕭恭漢末修道太平山延壽官善吹簫能致鳳鸞翔集號碧霄真人道成白日昇舉

蒯子訓不知何所人東漢時至洛陽有神異公卿以下候之者恒數百人皆為設酒脯終日不置後因遁去有人于長安東霸城見與一老公共摩娑一銅人相謂曰適見鑄此已近五百歲矣

白乳帖
鮑作上

賈長房汝南人為市吏有老翁賣藥懸一壺于肆市罷輒

跳入壺中長房子樓上獨見之因候出再拜奉酒脯翁
乃與俱入壺中華麗非凡境乃使處深山群虎中長房
不恐又使卧空室以朽索懸石于上衆蛇啣索且斷長
房亦不移最後使食糞有三虫臭穢長房意惡之翁曰
子幾得道恨於此不成遂與一竹杖曰騎此而出又與
一符曰以此主地上鬼神長房到家以杖投葛陂中杖
化龍而去由是能縮地千里聚在目前放之如舊又能
役使鬼神後失其符為衆鬼所殺桓景嘗學于長房一
日謂景曰九月九日汝家有大灾可令家人作絳囊盛
茱萸繫臂登高山飲菊化酒禍可消景如其言舉家登
山夕還見牛羊雞犬皆死

系二屏三三
郎宗字仲綏安丘人占知火燒大夏門後居華山服胡麻
得道

孫博河東人讀書能屬文晚學道能使草木皆為火光照
耀數十里行人水中身不濡人有疾指之言愈即愈出
入山間石室如有穴者後入林慮山令神丹仙去

曹仙媪不知何許人嘗携幼女引一片息馬關關柳下一
日至河將渡舟師拒之媪携女與犬凌波御風須臾登
岸俄又登東岸石龕遂與女及犬俱化龕中土人立廟
祀焉

金申路城人幼聰慧得狂遇異人授以太陰煉形之術嘗
單衣跣足卧凍雪中能預知水旱災祥壽夭既卒葬百

餘日一夕雷庭大作及旦視之但見塚開數寸惟留隻履懷扇溥衾而已

麻衣仙姑汾州人姓任氏隱于石室山家人求之弗得後有人見之逡巡入石室山中有聲殷殷如雷其壁復合手迹尚存

蔡女仙襄陽人幼善刺繡忽有老父詣門請繡鳳眼畢工之日自當指點既而繡成老父指示安眠功畢俄雙鳳騰躍飛舞老父與女各乘一升天

徐登福州人漢時于永泰縣高蓋山修真得道嘗與東陽趙炳闢仙術又有徐從事真未詳其實

何氏九仙不知何名漢時兄弟九人居仙遊東北山中修

道又居湖側煉丹丹成各乘赤鯉仙去名其湖曰九鯉
湖山下遺銅杯鐵鞭後人即其地建廟九鯉湖上亦有
廟每大比歲士子祈夢者屢驗

趙炳東陽人爲道士以氣禁人人不能起禁虎虎伏地低
頭閉口便可執縛以大釘釘柱入尺許以氣吹之便可
躍出肘去如弩箭之發異苑曰趙侯以盆盛水吹氣作
禁魚龍立見事出抱朴子

解奴辜張貂者並不知其所人皆能隱淪出入不由門
戶奴辜能變易物形以誑幻人又河南有麴聖卿善爲
丹青符刻厭殺鬼神而使命之又有編育意亦與天神
交通孟節能含棗核不食可至五年十年又能結氣不

食身不動凝狀若死人可至百日半年

張惜性好道術能作五里霧

焦先字孝然世莫知所自或言生漢末及魏受禪嘗結草為廬于河之湄獨止其中冬夏袒不着衣卧不設席又裸身以身親土其體垢汙皆如泥滓不行人間或數日一食行不由邪徑目不與女子迂視口未嘗言雖有驚急不與人語後野火燒其廬先因露寢遭冬雪大至先祖卧不移人以為死就視如故後百歲卒

三國

李常在蜀中人少治道術百姓累見之初有二男一女皆已嫁娶乃去二弟子隨之後石以青竹杖度其身遺

歸家置杖卧床徑還其家見兒尸在床各泣而埋之百餘日有人于郢縣逢二子隨常在行附書到家各發棺視惟一青竹杖常在又娶婦前婦子往尋之常在曰吾兒欲來見我法不得見兒見母泣而別去

折象廣漢人少好黃老業師事東平先生家世豐財以為多藏必厚亡散千金以濟貧苦或諫之象曰竇子文有言我之施物乃逃禍非避利也智者咸服焉自尅亡日尸解如蛇蛻

左慈字元放廬江人于天柱山中情思學道得石室中丹經尤明六甲能使鬼神坐致行厨變化萬端嘗投簪以畫酒杯即中斷分為兩向曹操召見問一室斷殺甚年

出之顏色如故操嘗宴賓曰所少者松江鱸耳慈令銅盤貯水以竿釣之即得鱸操曰恨無罾甚慈曰易得操恐近取即曰前使買錦可報增二十段慈曰諾須臾袖中出甚校買錦者回果云是日得報增錦操出近郊慈携酒一升醺一斤百官皆醉飽操惡其能欲殺之逃入山中羊群一老羝曰遽如許欲殺羝則羊皆跪曰遽如許乃盡殺羊而去而慈故無恙羊亦皆活

劉政有道術能以一人作千人千人作萬人又能噓水成雲聚壤成山刺地成淵

劉綱有道術能檄召鬼神禁制變化嘗與妻樊夫人校其術俱坐堂上綱作火燒確屋從東起夫人禁之火即滅

庭中兩株桃夫妻各咒一株使相鬪擊良久網所咒者
不如數走出籬外網唾盤中成鯉魚夫人唾盤中成獺
食魚網與夫人入四明山路值虎網禁虎不敢動適欲
往虎即號夫人以繩繫虎牽歸繫於床側及將昇天網
先仕上虞令縣廳側先有大皂莢樹網昇樹數丈方能
飛舉夫人平坐冉冉如雲氣之舉同昇天而去

封衡隴西人幼學道得真訣服黃連五十年入山採藥百
餘年還鄉里聞病者輒以腰間竹筒藥與之立應復駕
一青牛周遊天下魏武帝召問養生性大畧衡曰戒思慮
節嗜慾而已所著有養氣術隱形法衛生經數十卷
于吉瑯琊人精苦修道忽得痼疾晨夕告天誠感老君今

仙人授書經曰非但愈疾當得長生吉得之疾遂除凡
消災治病無不驗者孫策平江東將士多病吉嚶水輒
瘥天久旱縛吉暴日中即大雨策忌而殺之俄失其屍
周旋人間又百餘年仙去

葛仙公名玄丹陽句容人嘗從吳主至溧州遇大風百官
船沉玄獨出水上而衣不濕有數家請飲者同時各到
有欲追之者相去數丈終不能及嘗對客吐飯成蜂或
集客身長丈仙公張口蜂飛入口成飯食之為客設酒
盃自至客前若不盡者則盃不去吳主為立觀方山後
白日昇舉號太極仙翁

姚光吳人有仙術有吳士積薪千束焚之菸盡光安坐火

中振衣而起

沈建丹陽人好道能醫嘗遠行寄奴婢驟羊下主人各與藥一粒語主人曰不煩飲食也去後主人飲食之皆不受三年還又各與藥飲食如故建後不知所之

介象會稽人學道得度世禁氣之術能隱形變化入山谷見美女曰汝食氣未盡可斷穀三年來此象如期往乃授以還丹術吳生聞之召至武昌試其術種菜菓皆立生有種泰山中若獼猴擾之戒曰吾告介君猴即去象化後人復見他所發棺視惟一符耳

吳猛濮陽人仕吳為西安令因家分寧性至孝暑月不驅蚊恐瞋親也遇至人丁又授以神方又得秘法雲符道

術大行嘗見暴風書符擲之風即止或問其故曰南湖有風道士求救驗之果然西安今于慶死已三日猛曰數未盡乃卧于屍旁數日同起嘗渡江值風濤猛以白羽扇畫水而渡觀者駭異庾亮嘗求愈疾猛辭以自筭盡求具棺服旬日而死形狀如生未及大殮失其尸識者知為亮不祥之兆亮果不起後傳道于許遜晉康寧中乘白鹿車與弟子四人昇天宋政和時封神烈真人幸靈不知何所人順陽樊長賓為建昌令發百姓作官船于建城山中吏命人各作箸一雙幸靈作而未輸或竊之俄而竊者心痛欲死靈謂之曰爾得無竊吾箸乎竊者不應有頃愈甚靈曰爾若不以情告我今真死矣竊

者乃自首靈于是飲之以水病即立愈行人由是敬畏之船成當下水吏以二百人引一艘不能動方請益人靈曰此已過足但部分未至耳靈請自牽之乃手執箸惟用百人而船去如流衆大敬咸稱其神

張元化葛玄弟子嘗寓汝州一日召道士周元亨戒之曰吾化後毋損吾軀既化元亨如命築城北二里後二年汝卒戍蜀者逢元化于山峽間令持書與胡司馬周尊師卒返投書二人開緘則元化親札謝二人葬之厚也遂率郡人發塚視之惟故屨存焉宋政和時封冲妙先生

朱孺子來寧人三國時師道士王玄真居大石巖下常于

溪畔見二花犬逐之入枸杞叢下遂與玄真創叢下得
枸杞根類花犬堅如石煮之濡子先取飲之俄而飛立
前峯謝玄真去玄真後亦不知所往

晉

許遜南昌人生而穎悟從吳猛得神方秘法以修煉為事
晉太康初為旌陽令尋棄官東歸遇譙母傳以道術遂
斬蛇誅蛟悉除民害慮豫章為浮州蛟螭所穴乃于牙
城南井鑄鐵為柱下施八索勾鎖地脉由是水妖屏息
又周遊江湖諸郡殄滅毒害乃歸舊隱精修主道康寧
二年一百三十六歲忽一日羽蓋龍車自天而下遜登
車與其弟子家屬四十二人同時昇天雞犬亦隨焉

王纂居馬跡山永嘉末中原大亂饑饉疫死者相繼纂
于靜室飛章告天祈救生靈感神人告之曰子念生民
吾得以盼子矣

劉懿直晉女冠也人謂王子晉外妹至東晉時已五六百
歲常居于南昌縣安縣樓霞觀後白日翀天而去

耳戰曹城人有孝行喜神仙術往從許遜遜異其材器凡
與文秘訣悉命掌之自是周遊江湖誅蛟斬蛇無不從
焉及遜上昇戰歸豐城布德行惠鄉人感化陳大建初
駕麟車乘雲去宋封精行真人

盱烈南昌人少孤事母孝母許氏遷長姊嘗集室宅西數
十步間俾烈母子居之故日聞至道母嘗採花果奉遜

及遜飛昇母子俱從遜騰雲去宋封烈和靖真人

潯茂明潘州人晉永嘉中入山逢二道士奕立觀久之道士曰子亦識之否荅曰入猶忘賣出似鷹行道士笑可其說因語之曰子頂骨貫千生門命輪齊于日月腦血未減心影不偏若修煉則可輕舉授以銀黃精不二之法于東山採藥煉丹于西山白日上昇

王質晉信安郡樵夫也一日入山逢二童子在石室中對奕質觀之童子與質一物如棗核食之不饑乃置斧于坐而觀須臾童子曰汝斧柯爛矣質乃歸鄉里無復同時人

抱朴子句容人姓葛名洪字稚川玄之從孫晉咸和間為

散騎常侍聞交趾出丹砂求為勾漏令將子姪俱行至
廣州刺史不聽去乃止于羅浮山後入蜀于武都山得
雄黃色如雞冠喜曰吾丹成矣復入洪雅之花溪存神
養氣道成昇天妻鮑氏南海太守諫之女嘗與洪聞仙
術每行灸于南海唐雋煒遊開先寺有丐嫗曰吾善灸
贅疣奉艾少許煒受之灸疣應手而落始知為洪妻也
黃野人葛洪弟子洪仙去留丹于羅浮山柱石間野人得
一粒服之遂為地行仙常在人世

王元甫沛人學道于赤城霍山服青精石飯吞日精月影
之法內見五臟晉穆帝永和元年正月十五日乘龍白
日昇天為中嶽真人

彭宗彭城人年二十服業于杜中棲真味道精貫入神嘗從師採藥忽墮深谷又被蛇中曾無愠色冲乃授丹經五十文宗寶而修之洞暢幽漠能三晝夜為一息或一年不動人以為死及起顏色愈鮮山中蛇虎見之潛伏後為太清真人

吳彩鸞猛女也得父仙道至唐太和末有書生文肅寓鍾陵紫極宮一日於西山遇之竟許成婚而歸鍾陵肅貧不自給彩鸞鸞孫憫唐韻運筆如飛日得一部藁之獲金五緡盡則復寫如是一載鸞為人知遂潛往新興越王山二人各跨一虎陟峯巒而去

許邁字叔玄句容人少恬澹不慕仕進嘗造郗璞筮得秦

之夫璞教以學升遐之術遂從鮑靚探其至要晉永和
中入臨安西山登巖茹芝悠然自得更名元字遠遊著
詩十二首論神仙事人傳羽化

黃初平晉丹溪人年十五牧羊遇道士引至金華山石室
中四十餘年其兄初起尋之不獲後遇道士善卜因問
之曰金華山中有一款羊兄初起隨去見初平問羊何
在曰在山東往視之但見白石初平叱之石皆起成羊
數萬頭初起願棄妻子學之後亦成仙初平號赤松子
初起號魯班宋元皆有封號

秀英晉丁義君之女嘗于楊州城西七十里煉丹得道今
有丹井在焉

謝仲初萬載人修煉于閣皂山得道而歸過縣西見其無
水拔劍刺地湧泉甘潔過江無舟以竹葉渡之後登謝
山冉冉飛去

葉千韶晉建昌人有道術辟穀服氣常獨居忽有一白衣
人言君道德臻備仙籍褒升當在人間役使鬼神其後
能立致風雨驅雷電救人疾疫其應如響不知所終
黃仁覽晉時人居瑞州府城東北三十里從學許旌陽後
道成冲舉即其地爲祥符觀

陶淡晉潯陽人侃之孫幼好道養之術年十五六便服
氣絕穀家累千金僮客百數淡終日端拱曾不嘗問頗
好易善卜筮後逃遁山中不知所之

董奉晉時居廬山有道術為人治病不取錢病重而愈者
令種杏五株輕者一株數年杏成林子熟時作一倉令
買杏者隨器大小易以穀若穀少杏多虎輒吼逐之所
得穀悉以濟貧後仙去

魏夫人晉修武令劉幼彥妻魏氏學仙得道飛昇于南嶽
世號紫虛元君後人立祠于彰德祀之

麻衣子姓李名和紺髮羸姿入終南山遇道者遺以道秘
戒之曰南陽之間湍水之陽有山靈室嚴洞其旁神開
汝鄉汝則往之可以翕神功于蒼茫麻衣往求至其所
居洞中十九年晉義熙間大旱居民請祈雨麻衣始以
無術拒之既而有年少十二人囑許之翌日大雨諸年

少來拜曰吾屬龍也上帝令輔師行化耳劉宋大明初
年百有一歲坐逝

羅真人黃梅人名致福晉時修道于縣北鳳臺觀丹成有
老人來云其龍也有病願求丹療之致福賜之丹而愈
後于觀北水塘洗足飛昇而去今遺飛昇臺洗足池宋
賜真人號

鮑蓋東海鄧人生時祥光燭室名曰員照後更名蓋嘗為
縣吏俾奉牒入京踰月不行縣方詰責則已得報章矣
建興四年終于家後三十年其妻子俱夢令啓棺則顏
色如生衣服潤潔已而祥雲下迎乘之上升初廟于青
山唐聖曆中廟城內

文斤南昌人號超然子晉咸安中為邵州高平令嘗遇異人授以丹訣後棄官歸康寧二年仙去

黃道真武陵人晉時棄俗居高晉山修道乘白鹿仙去落魄仙姓張嘗賣鼠藥于梓州獄吏王昌寓者甫藥以歸鼠食之皆翼而飛後昌寓至瀘又遇之乃易其藥以餌之名昌寓為易玄子取馬令乘以歸馬乃龍也歸梓後以九月九日飛昇即其地為藥市

行客晉時人遇亂隱延平北山結廬煉丹丹成舉家上昇上官道人不知何所人辟穀煉丹于延平山一日偈云處世江塵五十八混世獨存今始沒時人若問吾歸處掃盡雲霞一輪月後戊兵于廣州有復見之者

麻姑後趙石勒時麻秋女其父猛悍人畏之嘗築城晝夜不止雞鳴乃息姑賢有恤民之心假作雞鳴群雞效聲衆工乃止父覺欲撻之女懼而逃入石洞脩道後于城北石橋飛昇迫者不及名其洞曰仙姑洞橋曰望仙橋麻襦不知何許人石虎時在魏縣市中乞丐恒着麻襦布裳故人以麻襦名之言語卓越狀如狂者乞得米穀不食嘗散置大路云飼天馬趙興太守籍狀送詣石虎虎與共語無異言惟道陛下當終二柱殿下虎不解所言還送本縣既出城謂送者曰我當有所過君至合口橋見待使人如言而馳至橋麻襦已先至後慕容儁投虎尸于漳水倚橋柱不流時人以為一柱殿下即此也及

无帝嗣位江左亦以為天馬之應

單道開燉煌人常衣麤褐吞細石子晝夜不卧石勒時從西來一日行七百里至秦州送至鄴佛圖澄與語不能屈也南入羅浮山後卒以尸置石室表宏為南海太守登羅浮山至石室見道開形骸如生

馬儉扶風人博通經史符秦甘露中從孫徹學道授五符真文斷殺服水行氣導引遂役使萬靈制御群邪姚萇聞而異之徃召不至給以香燭年九十八返真而雲舉孟欽洛陽人有左慈劉根之術符堅恐其惑衆命符融誅之欽于大燕會之中化為旋風而去頃之有告在城東者融遣騎追之垂及忽然已遠或有兵衆拒戰或前阻

澗水不得過遂不知所在

王嘉安陽人不食五穀不衣美麗隱于終南山所言禍福皆驗符堅遣問世祚荅曰未央後末年敗於淮南吳者殃也人欲取其架上衣者架逾高而屋亦不大姚萇問可得天下否對曰畧得之謂養子子畧也萇怒曰得即得何畧之有遂殺之後人復見于隴上

宋

孫遊巖東陽人潛神希微太初中遇簡寂先生授以三洞經法其後茹芝却粒顏色精爽久而愈少齊永明中詔主興世館後安坐羽化門弟子數百人惟陶弘景為入室

鄴去奢龍游崇仙官道士劉宋初隱于處之卯山一夕有人謂曰石下有天師佩劍去奢修煉三年果得之乃得道仙去

梁

白鶴道人不知其姓字武帝時方士也愛舒州潛山奇絕而浮圖寶誌亦欲之武帝命二人各以物識其地得者居之道士以鶴止處為記寶誌以卓錫處為記已而鶴先飛至忽聞空中錫飛聲遽卓于山麓而鶴止他處乃各以所識築室

李順興杜陵人年十五作愚智言未來事多中常冠道士冠好飲酒蕭寶夤及召問曰朕王可幾年對曰為天

子有百年者有百目者及魯寅敗裁百日其黨乃捧殺
順與置城隍中頃之起活如初又嘗卧太傅梁覽家以
衣倒覆身上及賸適使東魏事覺殺詐以衣倒覆又嘗
乞驪山下廢地于周文周文曰何用曰有用未幾至溫
湯遇患卒于其地

陶弘景丹陽人年十歲得葛洪神仙傳晝夜研尋便有養
生之志未弱冠齊高帝作相引為諸王侍讀除奉朝請
雖在朱門閉影不交外物永明十年上表辭祿詔許之
於是止於句容之句曲山恒曰此山下是第八洞官名
金壇華陽之天乃中山立館自號華陽隱居始從東陽
孫遊巖受符圖經法遍歷名山尋訪仙藥每經澗谷必

坐卧其間吟詠盤桓不能已已天監十四年移居積金東澗善辟穀導引之法年逾八十而有壯容深慕張良之為人云古賢莫比魯慶佛授其菩提記名為勝力菩薩乃詣鄧縣阿育王塔自誓受五大戒大同二年卒年八十五顏色不變屈伸如常

陸法和江陵人南梁時隱于百里洲有道術能先知禍福侯景之亂遣杜豹擊湘東王于江陵法和率蠻兵敗豹擒之封江東縣公慮梁室日衰嘗大聚兵艦欲襲襄陽元帝使止之法和乃還州至其城門麻衣蒿坐已而梁兵果敗滅

元魏

寇謙之昌平人少遇仙人成公興與之遊嵩華食仙桃不復饑遂隱嵩陽興將出謂謙之曰有人持藥來但食之莫怖尋有人將藥而至皆毒虫臭惡物謙之大懼出走興還語以故興嘆曰先生未便得仙正可為帝師耳元魏泰武帝召至闕禮遇甚厚一日謂弟子曰昨夢公興召我于中嶽仙宮遂羽化有青氣如烟從口中出天半乃消其體漸縮識者謂尸解後東都沈猷見謙之在嵩山身作銀色光明如日始知其為仙矣

成公興不知何許人初為謙之從母家傭謙之覩其姨見興形貌甚醜因將還謙之嘗筭周髀不合隨興語布之俄然便決謙之因請師事之興固辭反求謙之為弟子

事謙之七年而卒先是有京兆灊城人王胡兒其叔父
亡頗有靈異嘗將胡兒至嵩別嶺同行觀望見金室玉
堂有一館尤珍異空而無人題曰成公興之館胡兒惟
而問之其叔父曰此是仙人成公興館坐失火燒七間
屋被謫為寇謙之弟子七年始知興乃仙者謫滿而去
王道翼東萊人少有絕俗之志隱韓信山四十餘年斷粟
食麥通達經章善書符錄獻文間青州刺史韓頴召之
翼乃赴都令增給衣食終身

周韋節京兆杜陵人後魏時稟官謁趙法師入華山因號
華陽子餌黃精撰三洞儀序老子易論周武帝賜號精
思法師有白鶴臨壇天和四年忽彩雲如蓋覆其廬上

第三言當乘此而去遂化昇

徐則東海刻人幼沉靜寡欲受業于周弘正精於議論懷
棲隱之操隋時入縉雲山常服巾褐又入天台山絕穀
養性所食惟松水而已後尸解

岑道願江陵人隋初避難游三峽至葛州江南山巖下修
煉食黃精百餘歲脫迹而去唐貞觀十八年以香屬商
人令往故巖下燃之商人不往且歸波濤震怒不可止
乃返詣巖燃香遂平行無虞

劉珍廣漢什邡人開皇中居安東山忽取所齋道經鐘磬
封于石室中曰後六十年當有聖君取之且曰吾功行

已成四月之望吾當升天自以火化是日珍見隋文帝
帝遣使至中山訪其事令建三觀唐高宗遣使取丹經
鐘磬以進宋治平中賜額延真

治翁開皇中煉形于漳州石壁山養白蝦蟆自隨後不知
所終

李鐵拐或云隋時峽人名洪水小字拐兒又名鐵拐常行
丐于市人皆賤之後以鐵杖擲空化為龍乘龍而去一
說李本偉丈夫常遇老君得道後出神往朝老君與其
徒約以七日不返焚其尸後六日其徒以毋疾還焚而
去李還附一丐者尸起改足跛而貌更醜惡

續文獻通考卷之二百四十一終